


# Beibl i Blant yn cyflwyno



Amser  
caled i  
Iesu



Awdur: Edward Hughes  
Lluniau gan: Byron Unger; Lazarus  
addaswyd gan: M. Maillot; Sarah S.  
Alastair Paterson  
Cyfieithydd: Catrin Roberts  
Cynhyrchwyd gan: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2020 Bible for Children, Inc.

Trwydded: mae gennych hawl i gopio neu argraffu'r stori hon,  
ar yr amod nad ydych yn ei gwerthu.



Pan gafodd  
Iesu ei fedyddio,  
dywedodd Duw  
"Hwn ydy fy Mab  
annwyl i; mae  
wedi fy mhlesio  
i'n llwyr." Daeth  
yr Ysbryd Glân  
i lawr ar Iesu  
fel colomen.




Yn fuan iawn wedyn,  
fe wnaeth yr Ysbryd  
Glân arwain Iesu i'r  
anialwch. Doedd neb  
gyda'r Iesu.



Wnaeth Iesu ddim bwyta am  
bedwar deg diwrnod. Erbyn  
y diwedd roedd yn llwgu.




Mae'r Beibl yn dweud fod yna  
anifeiliaid gwylt yno hefyd.



Daeth Satan yno i demtio Iesu.  
Bell, bell yn ôl roedd wedi temtio  
Adda ac Efa i fod yn anufudd i  
Dduw yng ngardd Eden.  
Iesu oedd yn cael  
prawf nawr.





Roedd Satan hyd  
yn oed am demtio  
Iesu, Mab Duw.







"Os wyt ti'n Fab Duw, gwna i'r garreg yma droi'n dorth o fara" meddai'r diafol. Roedd yn gwybod fod Iesu eisiau bwyd. Roedd yn gwybod fod Mab Duw yn gallu troi cerrig yn fara. Fyddai Iesu yn barod i ufuddhau i'r diafol?



Na! Gwrthododd Iesu wrando ar y diafol. Yn lle hynny, rhoddodd ateb o Air Duw. "Nid bwyd ydy'r unig beth mae pobl ei angen i fyw".




Yna aeth Satan ag Iesu i ddinas fawr Jerwsalem, i'r deml lle roedd pobl yn addoli Duw. Beth oedd y diafol am ei wneud nesaf?




"Os wyt ti'n Fab Duw,"  
meddai'r diafol, "neidia i  
lawr o'r fan yma. Mae'r  
ysgrythurau sanctaidd yn  
dweud y bydd angylion  
Duw yn dy achub di."



"Na!" meddai Iesu. "Mae'r ysgrifau sanctaidd yn dweud hefyd: 'Paid rhoi'r Arglwydd dy Dduw ar brawf.'"









Fe wnaeth y diafol drïo eto. Dyma fe'n ei arwain i le uchel y tu allan i'r ddinas.



Dangosodd holl wledydd y byd  
iddo mewn eiliad, yna dywedodd,  
"Fe gei di reoli'r rhain i gyd, os  
gwnei di fy addoli i."




"Dos i ffwrdd Satan!" meddai Iesu, "mae'r  
ysgrifau sanctaidd yn dweud: 'Addola'r Arglwydd  
dy Dduw, a'i wasanaethu e'n unig.'"





Dyma'r diafol yn  
gadael Iesu. Yna  
anfonodd Duw  
angylion i ofalu  
am Iesu ei Fab  
- a wrthododd  
ufuddhau  
i'r diafol.



Amser caled i Iesu

Stori o Air Duw, y Beibl


sydd i'w gweld yn

Mathew 4, Luc 4

"Pan ddatguddir dy air, bydd yn goleuo."

Salm 119:130





Y Diwedd



38



60



Mae'r stori hon o'r Beibl yn dysgu ni am ein Duw rhyfeddol.  
Fe wnaeth ein creu ni, ac mae eisiau i ni ei adnabod.

Mae Duw yn gwybod bod ni wedi gwneud pethau drwg, beth mae e'n galw'n bechod. Cosb pechod ydy marwolaeth, ond mae Duw yn dy garu di gymaint nes ei fod wedi anfon ei unig Fab, Iesu, i farw ar Groes, a chymryd y gosb am dy bechod di. Yna daeth Iesu'n ôl yn fyw a mynd adref i'r Nefoedd! Os wyt ti'n credu yn Iesu ac yn gofyn iddo faddau dy bechodau, mae'n barod i wneud hynny! Bydd yn dod i fyw ynot ti nawr, ac fe gei di fyw gydag E am byth.

Os wyt ti'n credu bod hyn yn wir, beth am ddweud hyn wrth Dduw: Annwyl Iesu, rwy'n credu i ti ddod yn ddyn i farw dros fy mhechodau, a dy fod ti'n fyw eto. Os gweli'n dda, tyrd i mewn i'm bywyd. Maddau fy mhechodau i mi gael bywyd newydd nawr, ac yna un diwrnod bod hefo ti am byth. Helpa fi i fod yn ufudd i ti, a byw fel plentyn i ti. Amen.

Darllena'r Beibl, a siarad gyda Duw bob diwrnod! Ioan 3:16

